

ԶԱՆԱԶԱՆ ԼՈՒՐԵՐ

ՎԵՃ. ԿԱԹՈՂԻԿՈՍԸ, „Journal de S.—Petersbourg“ կիսապաշտօնական լրագիրը (Պետերբուրգում հրատարակող), Կ. Պոլսից նոր տոմարով 1-ն լուսիսի ստացած հեռագրի համաձայն՝ հաղորդում է, որ Սուլթանի իրադէով թուլատրւում է արքեպիսկոպոս Խրիմեանին, որ մի տարի առաջ ընտրւել էր Կաթողիկոս Ամենայն Հայոց, զուրա գալ Թիւրքական հպատակութիւնից: Ազգի ընտրեալը մտադիր է շուտով ճանապարհ ընկնել դէպի ս. Էջմիածին:

ՕԳՆՈՒԹԻՒՆ ՍՈՎԱԼԱՆՆԵՐԻՆ: Մեր լոյսը թէ ս. Էջմիածինը իւր պարտքը կը կատարի ներկալ տարալ թանկութեան չգիմացողներին՝ լիապէս արդարացաւ: «Արարատ» ամսագրի մալիսի տետրում կարդում ենք ներկալ հրաւերը.

«Հոգեոր իշխանութիւնը պարտք է համարում «Արարատ» ամսագրի միջոցով դիմել իւր սիրելի ազգայիններին և խնդրել օգնութեան ձեռք մեկնել քաղցածներին, որոնք ահա մէկ ամսից աւելի է որ խումր-խումբ ամեն օր դիմում են ս. Էջմիածին և հաց են խնդրում: Հոգեոր իշխանութիւնը, տեսնելով նրանց դառն արտասուքը, բացեց նրանց առաջը իւր շտեմարանի դռները ոմանց փոխարինաբար, ոմանց ձրի և ոմանց գնի զիջողութեամբ ցորեն տալով օգնեց: Բայց Էջմիածինը նիւթական միջոց չունենալով բոլորի կարիքը լրացնելու՝ դիմում է Հայ Ազգին և խնդրում է նորա ուշադրութիւնը իւր աղքատ և չքաւոր եղբայրների վրայ: Իրանց կարեաց չափով նւէրներ տւողները անւանական ցուցակով կարող են իրանց նւէրները ու-

դարկել « Էջմիածին, աղքատներին և չքաւորներին հասցնելու համար.

Դարձնում ենք «Մուրճ»-ի ընթերցողներին՝ ուշադրութիւնը տալ Էջմիածնի ալդ մարդասէր հրաւերի վրայ:

ՕՐ. ՎԱՐԴՈՒՀԻ ՅԱԿՈԲԱՆ ամսիս 22-ին կարդաց մի հրապարակական դասախօսութիւն Կրթութեան դործի և նորա զարգացման մասին: Դասախօսութիւնը բաժանւած էր երկու մասի. առաջնում դասախօսուհին մի ընդհանուր հալեացք ձդեց հին Յունաստանի կրթական դործի վրայ, անցաւ Հռոմ, ապա Եւրոպայի միջին դարերը, Վերածնութեան դարը և վիշտատակեց նոր դարերի գլխաւոր մտածողներին, որոնք կարեւորութիւն են ներկայացրել կրթական դործի համար: Երկրորդ մասում դասախօսուհին կանգ առաւ սասնաւորապէս Զւիցերիայի կրթական դործի կազմակերպութեան վրայ ներկայումս: Դասախօսութիւնը լաջողակ էր բովանդակութեան կողմից, իսկ տպաւորութիւնը աւելի մեծ էր, քան կարելի էր սպասել: Օր. Յակոբեանը կատարելապէս տիրապետում է հալերէնին, ունի լաւ գիկցիա, գիտէ նիւթին ջերմութիւն հաղորդել և ունկնդիրներին ուշադրութիւնը լարած պահել: Եթէ դասախօսութեան գլխաւոր նպատակն էր հասարակութեան մէջ սէր արծարծել զէպի դաստիարակութիւնը և ուշք գրաւել զէպի ալդ մեծ խնդիրը, դասախօսուհին լիապէս հասաւ իւր նպատակին:

Օր. Վ. Յակոբեանը, որին ջերմագին ողջունում ենք նորա առաջին լաջողակ վործի համար, աւարտել է իւր ուսումը Զւիցերիայում Բերնի համալսարանի ֆիլոսոֆալութեան բաժնում, որի համար և ստացել է ալդ համալսարանի ֆիլոսոֆալութեան դոքտորի տիկղոսը:

ՔՈՒՐ ԳԵՏԸ, գիշերը մալիսի 13-ից զէպի 14-ը, մի քանի օր տեղացող անձրևներից լետու, դուրս եկաւ ամբերից: Զուրը Թիֆլիսում բարձրացել էր վաղուց չտեսնւած չափով և իւր տակն արաւ Սաղ (Պեսկի) կոչւած թաղը: Հաւաքարի մօտ, ուր Գուրը սղմած է երկու քորանսարանների մէջ, ջուրը բարձրացել էր գրեթէ մինչ երկաթէ կամուրջը, որը հեղեղելու համար հազիւ մի կէս արշին էր պակաս:

† ԳՐՈՏ. Մալիսի 24-ին վախճանեց Նակով Կարլովիչ Գրոտ, գիտութիւնների ակադեմիալի փոխ նախագահը: Հանդուցեալը (ծնւած 1812 թւականին Պետերբուրգում) նշանաւոր լեզաբան էր և մեծ ծառալութիւններ ունի արած ռուսաց գրականութեանը:

Ռուսաց լեզուի խնդիրներում Գրոտը (գերմանացի) վազելում էր առաջին հեղինակութիւն, որպիսին իրանց առաջ վազելում էին վոստոկով (չեղացի Օստէն) և Դալ (Даль, ծագումով դանիացի)։

ՆՈՐ ՍՏԱՑԻԱԾ ԳՐՔԵՐ՝

1. ԱՐԾՐՈՒՆԻ, բժիշկ. Վ. — «Խոլերա (հանրամատչելի զրուցներ և խրատներ)», Հրատ. Թիֆլ. Հր. Ընկ. — Թիֆլիս, տպ. Մ. Ռոտինեանցի, 1893 թ., գինն է 5 կոպ.։
2. ԼՈՏԻ, Պիեր, թարգմ. Նիկողայոս Տէր-Անեսիֆի Անի. — «Ուղևորութիւն Չերնոգորիաում», Թիֆլ. տպ. Շարաձէ. 1893 թ., գինն է 10 կոպէկ։
3. Տէր-Անեսիֆես Ան, Նիկ. — «Կովկասեան հանքային ջրեր», Աբասթուան, Բորժոմ, Պետաիգորսկ, Ժեկեզնովսկ, Սսենտուկ, Կիսլովոդսկ, Թիֆլիս — Թիֆլ., տպ. Շարաձէ, 1893 թ., գինն է 10 կ.։
4. Տէր-Գրիգորեան, Զաքար. — «Տարական նախագիտելիք բնական գիտութեան», № 1. Զուր (11 պատկերով), Թիֆլիս, տպարան — վիմագրատուն Ա. Մելիք-Շահնազարեանի, Թիֆլիս, 1893 թ., գինն է 35 կոպէկ։
5. ԱՏՐՊԵՏ — «Սարրաֆ, ողբերգութիւն հինգ արարածով, Թիւրքահայերի կեանքից», — Թիֆլիս, տպ. Մ. Վարդանեանցի, 1893 թ., գինն է 30 կոպէկ։
6. ՖՐԻՈՒՍԻ, թարգմանութեամբ Սամուէլ ԳիւլձԱԳԵԱՆՑԻ. — «Ռոստամ և Սոհրաբ (ամբողջ վէպ) և զանազան հատածներ Շահ — Նամակից», Թարգմանութիւն պարսկերէն բնագրից, Հրատարակութիւն Գ. Թ. Ալվազեանի, Շուշի, տպ. Մ. Մոստեսի Յակոբեանցի, 1893 թ., գինն է 60 կոպէկ։
7. ՅՈՎՀԱՆՆԻՍԵԱՆ, Միհրան. — «Իրական կեանքի նազներ», Ներկորդ տպագրութիւն, Կ. Պոլիս, տպ. Նշան Կ. Բերբերեանի. գինն է 2 1/2 դրուշ։
8. ԿՐՊԷ. — «Պատկերներ կեանքից, արտատպած Մեղու Հալաստանի և Նոր-Դար լրագիրներէ 1879—1891», — Ալեքսանդրապոլ, տպ. Գ. Սանուեանցի, 1893 թ., գինն է 20 կոպէկ։
9. ՊՈՏԻԱՏԱ, Ն. Ա., թարգմ. Պոստ Մելիք Շահնազարեանցի. — «Վիլլիամ Չանինդ, նրա կեանքը ևն գրածները», Հրատար. Բաքու, մի խումբ երիտասարդների Բաքու, տպ. Տէր Յովհաննիսեանցի, 1893 թ., գինն է 10 կոպէկ։

10. КУЧУКЪ-ІОАННЕСОВЪ, Х. П.—Объ Армянской рукописи IX вѣка, принадлежащей Библи. Лазар. Инст. Вост. языковъ. Изъ I тома III выпуска „Древностей Восточныхъ“ Имп. Моск. Археол. Общ.—Москва, тип. Черным. 1893.

11. ԳՐԻԳՈՐԵԱՆ, Լեոն.—«Վալ կորչողին» (վէպիկ)։ Հրատ. Գ. Տէր-Խաչատրեան, Թիֆլիս, տպարան Յ. Մարտիրոսեանցի, 1893 թ. գինն է 5 կոպէկ։

ՊԱՐՈՆԵԱՆԻ ԼՈՒՍԱՆԿԱՐԸ, Հրատարակութեամբ գրավաճառ պ. Վահան Գ. Զարդարեանի, գինը 50 կոպէկ, վաճառուով է Թիֆլիսում, կենտրոնական Գրավաճառանոցում։ Հասցիւթից մի մաս պէտք է տրւի հանգուցեալ երգիծաբանի որբերին։

Վրիպակներ «Մուրճ»-ի նախընթաց № 4-ում։

էջ 573, Հէլենէ'ի ոտանաւորից առաջին տողը պէտք է լինի՝
Ein Fichtenbaum և այլն։

էջ 607, Պ. Մաղաթեանի լոգաժի գլուխը նշանակւած է՝ IV, պէտք է լինի VI.

էջ 658, Պ. Ղուկեանցի լոգաժում, տող 16—17 պէտք է լինի՝
հալ ծառալողների վերաբերմամբ տեղեկեցիկ է երևում
լանձնել ստորին աստիճանների պաշտօններ...

Խմբագիր՝ ԱԻԵՏԻՔ ԱՐԱՍԻԱՆԵԱՆՑ

Հրատարակիչ՝ ՓԻԼԻՊՊՈՍ ՎԱՐԴԱԶԱՐԵԱՆՑ
